



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 22. Idem a Burgundiæ Duce benigne exceptus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

rat Episcopatum, ejusdem incolas armorum vi compulsurus, ut pro Episcopo suo reciperent Burgundum Filium ejus spurium, cui Papa, rejecto Brederodizæ Domino, licet hunc Capitulum elegisset, præfatam Ecclesiam contulerat. Admodum molestus erat Burgundo Delphini adventus, de quo Regem datis literis certiore fecit, præcepit tamen Ducissæ conjugis suæ, necnon Filio suo Carolesii Comiti, ut Delphinum honoribus ejus conditioni congruis exciperent; se vero nunquam aditurum esse Delphinum aiebat, nisi prius a Galliarum Rege responsum accepisset.

Sæcul. XV.
A.C. 1456.

§. XXII.

Delphinus a Burgundiæ Duce benigne exceptus.

Rex in favorem Delphini respondit, Ducemque rogavit: Filium suum eadem omnino benevolentia exciperet, qua ipse, si forsan quodam adversæ fortunæ casu in Gallias fugere compelleretur, recipi desideraret. Igitur Burgundus acceptis hisce literis confestim Bruxellas petit, Delphinum salutaturus, quem etiam haud vulgaribus amicitiae signis amplectebatur, atque ejus usibus duodecim millium aureorum pensionem attribuit, dein illum ad castrum Cenebense in

Secul. XV.
A.C. 1456.

in confinibus Hannoniæ quarto ab urbe Bruxellensi lapide distitum deduxit, illudque pro diversorio eidem concessit. Verum nec cuncta ista, quæ in hac regione acceperat, officiorum genera Delphini animum cohibere poterant, quin paulo post inter Proceres dissidia, factionesque seminaret; præterea a Burgundiæ Duce copias petiit, ut Regem Patrem suum aggrediretur, eumque, uti jactitabat, cogeret, ut a Senatu suo illos Viros, qui Regis benevolentia abuterentur, expelleret; quod sane frivolum non minus, quam ridiculum erat Filii consilium. Delphino Dux perquam sapienter reposuit, omnia sua ad ipsius obsequia præsto esse, dummodo nihil peteret, quod Franciæ saluti adversaretur; ceterum nec sui, nec Delphini muneris esse, Regis Senatum emendare, ac ideo optimum videri utriusque consilium, si totum negotium Regiæ suæ Majestatis arbitrio relinqueretur.

§. XXIII.

Alenfonii Dux comprehensus, atque inclusus.

*Zoa. Chart.
Hist. Car.
VII. p. 287.*

Hoc eodem anno in festo Corporis Christi Dunensis Comes Regis jussu Alenfonii Comitem Franciæ Parem, ejusdemque Regis amicum Lochiæ comprehen-